

欽定大清會典事例

欽定大清會典事例卷五百六十六

兵部

職制

武進士錄用  
廕生改武

武舉錄用  
雜廢守備

功加錄用  
提轄錄用

差官錄用

武進士錄用。○順治三年題准。一甲一名授參將。二名授遊擊。三名授都司。二甲均授守備。三甲均授署守備。○十二年議准。一甲一名起。合計百名止。選授營職。其餘選授衛職。○康熙十一年議准。自一甲一名起。前一半選授營職。後一半選授衛職。○二十九年議准。新中武進士。

由部請

旨。交領侍衛內大臣引

見。選擢侍衛。○四十八年議准。直省現任千把總年  
滿千總中武進士者。別立班次。以營衛守備推  
用。○五十一年奉

旨。考取武進士。除選擢侍衛外其餘補參將遊擊守備  
等官。皆有整飭營伍之職。未登仕前。不知事宜。仕後  
安有裨益。今歲武進士。毋令回籍。分發八旗。交與護  
軍統領。令其學習騎射。教以儀度。如遇隨圍。給予馬  
匹錢糧。每進士一名。月給銀三兩。有患病告假。丁憂

終養等事。照例給假。其才力不及者。題叅斥革。優長者不拘科分名次。即行補用。平常者三年滿日註冊。悉令歸籍候選。○雍正元年奉

旨。武進士停止分發八旗學習。○二年議准。向來每科武進士。前半以營守備用。後半以衛守備用。今衛守備之缺。既經裁減。嗣後將衛守備用之武進士內。再分十五名以營守備用。於雙月營守備各班之末。另立一班推補。以免壅滯。○五年奉

旨。一甲一名。授為一等待衛。二名三名。授為二等待衛。

二甲揀選十名。授為三等待衛。三甲揀選十六名。授為藍翎侍衛。嗣後永為定例。○又奉

旨。前科武進士。大半授為侍衛。餘皆得挨次選用。今科武進士。朕恐其多選侍衛。轉不能盡心學習。所以揀選侍衛者甚少。但伊等一時未得錄用。置之間散。殊為可惜。今特廣為加恩。將未選侍衛之滿洲蒙古進士。授為藍翎侍衛。交與領侍衛內大臣。令其效力行走。漢軍進士。交與該旗以驍騎校補用。其餘有人材可用者。分發各省。賞給千總俸。著該督撫提鎮試看。如果效力勤謹。人材去得者。著以守備題補。○六年

議准。在部投供武進士。由部奏請。

欽點大臣會同本部。秉公揀選。將弓馬嫻熟。人材可觀者。以營守備註冊。平常者以衛守備註冊。各照科分名次推用。如弓馬生疏。人材不及。令回籍勤加學習。果學習有成。再赴部聽候揀選。其未經投供之武進士。陸續到部。由部酌量人數多寡。或一年二次。或一年一次。奏請會同揀選。嗣後武進士。每科恭候。

欽選侍衛之後。奏請會同揀選。均以營衛分別註冊選用。○乾隆元年議准。到部之武進士。奏請

欽點大臣揀選。分為三等。一等二等者。以營守備用。三等以衛守備用。如弓馬生疏。令其回籍學習。嫻熟。遇揀選之時。准再揀選。其從前揀選註冊。以衛守備用之武進士。再行考試。亦定為一二三等。分別營衛註冊。按從前揀選年月科分名次。推用。如有較前弓馬生疏者。仍令回籍學習。嫻熟。再赴部考試。一例揀選。○五年奉

旨。各省兵丁鄉試中武舉者。仍准食馬兵糧。隨營差操。遇有千把總員缺。與營兵一例較拔。此現行之例也。若中式武進士。除選擢侍衛外。餘皆離營候選。開除

名糧。此雖優待武進士之意。但恐開糧之後。衣食匱乏。且離營日久。漸疏技藝。應酌量變通辦理。嗣後兵丁中武進士。有情願回營效力者。仍留本身馬糧。隨營差操。遇有署事之處。一體酌量委署。○又奏准。註冊營用之漢武進士。有情願隨營學習者。在部具呈考驗。分發有題缺之省分。學習試用。在籍者。於督撫衙門具呈考驗。若發有題缺之鄰省。學習試用。該督撫收入標下。給予經制馬兵糧。報部註冊。定以五年為滿。果能弓馬嫻熟。諳練營伍。遇有守備應題補者。察其人地相宜。即行



題補。如學習未滿五年。已屆銓選之期。仍照原班挨次銓選。其弓馬次等者。該督撫造冊送部。銓選。儻弓馬庸劣。怠惰廢弛。令回本籍。報部註冊。毋庸銓選。至漢軍武進士。有情願隨標學習者。分發巡捕營直隸省馬蘭鎮泰甯鎮學習。其給予馬兵糧。及分別優劣錄用。均照漢武進士之例行。○十五年奏准。揀選三等以衛守備用之武進士。及充補提塘之三等武進士。再加揀選。分別等次。一、二等者以營用。三等者仍以衛用。如復行考驗。有較前弓馬生疏者。均令回籍。

學習嫻熟。再赴部考驗揀選。○三十六年奏准。  
歷科揀選之三等武進士。每屆十年。由部奏請。  
欽派王大臣。復行揀選一次。其年力精壯。弓馬可觀。  
堪列一二等者。帶領引

見。可否拔置營缺選用。恭候

欽定。其弓馬平常者。仍歸三等本班。以衛守備選用。  
如有年力衰老。弓馬平庸者。飭令回籍。將選用  
之處註銷。○二十七年

諭。新科武進士。朕御紫光閣。親試騎射技勇。即可定等  
第。毋庸另派大臣揀選。著兵部即於紫光閣較閱時。

將上屆分別營衛人數。開單進呈。候朕一併酌量。分  
記錄用。著為令。○嘉慶十三年奏准。衛用武進士。如  
有情願隨營者。赴部具呈。分發本省效力。給予  
馬糧一分。隨營差操。才技優嫻。曉暢營伍者。三  
年期滿。報部註冊。留於本省。遇有隔府別營干  
總缺出。與隨營武舉相閒輪用。六年俸滿。分別  
保送留任。其已經保送者。遇有應升守備缺出。  
一體揀選保題。如隨營時有規避偷安。差操嫻  
惰。弓馬生疏等項劣蹟。該督撫咨到部者。即  
將隨營及武進士一併斥革。若並無別項劣蹟。

或因患病告退等事。准其辭退隨營。仍留武進士。以觀後效。○道光十三年議准。衛用武進士。效力三年期滿。留標以千總候補。未經補實。不得遽予升階。如果始終勤奮。俟拔補千總俸滿。保送後。再行升用。

武舉錄用。○雍正七年議准。武舉會試落第。具呈情願隨營差操者。由部咨回本省。分發各標協營效力。該督撫提鎮等。給予經制馬兵糧。與外委千把一例差操。如偷安規避。咨部除糧。內有已經揀選衛所千總。年分已深。選期將近者。

行文該省給咨赴部。仍歸本班選用。年分較淺。選期尚遠者。效力三年。期滿。如果材技優嫻。曉習營伍。該督撫提鎮等。保送到部考驗。分發鄰近省分。以營千總拔補。分發之後。將揀選註銷。不得復歸本班銓選。至未經揀選者。效力三年。期滿。如果材技優嫻。曉習營伍。該督撫提鎮等。保送到部考驗。分發鄰近省分。以把總拔補。此等應拔千把之武舉。到標後。與營中應拔千把者。秉公較量。一例揀拔。若係由營兵中式之武舉。在本省隨營差操者。保送到部後。仍發回本

省止迴避本營。其餘各營。准其拔補。○乾隆十八年覆准。武舉會試不中。具呈分發隨營差操者。尚未定以額數。今酌定直隸。陝甘各分發三十名。山西。江南。福建各分發二十名。河南。浙江。湖廣。四川。雲南各分發十五名。山東。江西。廣東。廣西。貴州各分發十名。均令該督撫提鎮酌量營分。就近發往。隨營差操。○二十五年議准。候補千總武舉。遇有把總缺出。一體酌量借補。如有千總缺出。仍與現任把總一體選拔。○二十八年議准。由兵丁取進武生。中式武舉。情願回

營差操者。仍留本身名糧。自回營差操之日起。扣滿五年。遇有千總把總員缺。一體較拔。此等隨營武舉。不在分發額數之內。亦毋庸期滿保送。○三十四年奏准。漢人武舉揀選。一二等以營千總用。三等以衛千總用。仍照各省隨營額數酌量。一二等人數不得過多。隨營三年期滿。毋庸保送赴部。該督撫考驗報部。給發驗票。咨發鄰省。以千總拔補。至漢軍武舉揀選。一二等以門千總用。三等以衛千總用。毋庸分發隨營。○三十七年議准。八旗漢軍武舉。如有祖父伯

叔兄弟在巡捕營為官者。准其入營效力行走。五年後如果當差奮勉。給予千總半俸。與千把總一體較拔。○四十年奏准。揀選以衛千總推用之漢人武舉。如有情願入伍者。給予馬糧一分。准其分發隨營效力。三年期滿。以把總拔補。仍按各省隨營額數。不得過多。○嘉慶四年奏准。分發隨營武舉。學習期滿。即留於本省。遇有隔府別營缺出。分別以千總把總拔補。毋庸分發鄰省。○又議准。各省隨營效力武舉。如有規避偷安。及弓馬生疏等事。斥革者。將武舉一併



革去。若係因病告退者。仍留武舉。○五年奏准。漢軍三等武舉。按巡捕營把總額數。以八缺分發一人學習。三年期滿。以把總拔補。○七年議准。各省武舉隨營額數。自揀選出榜之日起。至下次揀選出榜之日止。計算不准逾額。儻人數已足。概不准呈請隨營。○道光十三年

諭

朕查閱直省未中雙好各武舉內。陝甘雙好武舉馬步霄馬上中七矢。步下中六矢。刀石俱係頭號。較之單好中式罰科之馬興臨實為過之。朕不忍任其屈抑。致令向隅。馬步霄著加恩以營守備用。附於本科

武進士之後銓選。其未補缺以前。仍准其一體會試。

○咸豐九年

諭。甘肅等省中式武生李懷德等五十八名。覆試未能合式。呈請揀選。與例不符。惟係志殷報效。若不准其隨營當差。未免向隅。李懷德等。著作為中式武生。由該部給予驗票。令其隨營學習。如果弓馬可觀。差操無懈。五年期滿。咨部註冊。由各該省督撫專以把總考拔。不得拔補千總。以示區別。其有始勤終怠。弓馬生疏。差操貽誤者。隨時咨部斥革。以肅營規。此項人員。俟下科覆試合式後。仍照武舉辦理。

功加錄用。○原定經制千把總及外委千把總。無職任效用官。因功加至都督等銜。並副將署副將銜者。以遊擊用。加至參將署參將。遊擊署遊擊銜者。以都司用。加至都司署都司。守備署守備銜者。以守備用。○康熙十一年題准。功加各官咨部選用時。原領功劄。令本人赴部親繳。如不將原劄親繳者。不准引。

見註冊。○二十四年題准。功加應用遊擊都司守備等官。有因人多壅滯。願降補千把總者。准其降補。○雍正三年覆准。功加應用都司者。以都

司守備兼用。○又議准。功加應用遊擊都司者。以雙月推用。應用守備者。單月雙月皆立一班推用。班次見月選。○又議准。外委千把及無職任效用官內。有因功加至都司等銜以下。署守備銜以上者。該督撫提鎮會同考驗。分為三等。其人材超羣。技藝純熟者。為一等。或曾經血戰。帶有傷痕者。亦立為一等。保題送部引

見。將加都督等銜。副將署副將銜者。以遊擊用。加參將署參將。遊擊署遊擊銜者。以都司用。加都司署都司。守備銜者。以守備用。其引

見候補之際。或令在侍衛上行走。或發巡捕營當差。或發回原營候推。由部臨時請。

旨。其人材技藝。雖不及保題之格。尚屬可觀者。為二等。造冊報部。遇該省把總員缺。與兵丁輪班。以三缺之一拔補。功加。如能盡力巡防。技藝精進。許再行保題。送部引。

見仍以功加應得之官用。平常者止照把總升轉。若技藝尚須學習。營伍尚未諳練者。為三等。均留營食糧。如學習果能諳練。堪以保題者。亦許再行保題。送部引。

見仍以功加應得之官用。可以拔補把總者。仍許咨部拔補把總。功加千總銜者。該督撫提鎮考驗。將列為一等之人。造冊送部。與功加署守備銜以上考驗二等者。相間拔補把總。餘均留營食糧。至功加之現任千把總。有人材超羣。技藝純熟。堪以保題者。概不論俸。保題送部引

見。即以功加應得之官用。人材技藝稍次者。千總六年俸滿。以守備補用。仍帶功加銜。把總止挨次拔補千總。人材技藝不堪錄用者。咨部註冊。○又議准。功加人員。未得授職者。該督撫提鎮收

入標下效力。給予糧餉。即於額兵數內扣算。如  
差操勤慎。給以外委把總劄付。率領兵丁。巡防  
地方。以觀後效。若身倚功加。差操懈怠。及在地  
方生事者。小過酌量懲治。大過報部斥革。將功  
劄註銷。十一年議准。功加人員。老病不能差  
操者。給守糧半分。不扣小建朋銀。月支餉銀五  
錢。或於建曠項下動支。或於公項內動支。該督  
撫酌量辦理。統於年終造冊報銷。○乾隆十八  
年議准。軍功議敘人員。向按功加等次兼銜給  
劄。推升時。照京俸一年作半年半算。今加銜既經

刪除以歸簡易。凡軍功議敘之人。毋庸給以虛銜。將功加等次入於劄內。遇應升時。均以一年作半年較俸。又守備有功加者。向例原升遊擊。今挨次推升都司。若與尋常守備一例升轉。未為平允。嗣後都司員缺。儘守備有功加者。先行升用。○十九年覆准。兵丁初次立功者。向來註冊。俟下次有功。照把總例議敘。按其等次遞算加銜。所有頂戴。即照銜服用。現既刪除加銜。除在標尋常操演。不許照銜服用外。其在軍營之時。若立有功績。例應給何項職銜者。即照職銜



給予頂戴服用。以示鼓勵。於事竣回營之後。除功績僅得把總頂戴者。該督撫提鎮照例拔補外。如有屢著功績。加至千總頂戴以上者。統令陸續咨部。由部引

見作何錄用。候

旨遵行。○又覆准。向例千把總等。加至署副將以上者。以遊擊用。加署遊擊銜以上者。都司守備兼用。加署守備銜以上者。以守備用。現既刪除加銜。所有功加等次。即照此計算。嗣後功加十等以上者。照加副將以上銜之例用。功加六等以

上者。照加署遊擊以上銜之例用。功加二等以  
上者。照加署守備以上銜之例用。○三十九年  
奏准。經制千總內。功加一等以上。經制把總內。  
功加二等以上。並無職任之功。加人等。該督撫  
提鎮會同考驗。其人材超羣。技藝純熟。或曾經  
血戰帶傷者。督撫提鎮保題。將把總以應升千  
總之缺。拔補。無職任之功。加以應升把總之缺  
拔補。其千總行令該督等。給咨送部引

見。可否以應升守備之缺。錄用。恭候

欽定。○又奏准。功加千總補用守備者。入於單月功

班內按引

見日期先後推用。如同日引

見按歷俸先後為次序。○四十六年奏准議敘得有  
功加守備以上官員俱以奉

旨日期較俸升用。毋庸按領劄日期。○五十年奏准  
凡參將得有功加者。遇有副將缺出。開列時另  
單進呈恭候

欽定。○嘉慶十年定軍營得有功加人員。由守備歷  
經升署者。實授時。查明係何任所得。每升一級  
銷去功加二等。如係本任所得。毋庸查銷。○又

定千總升補守備。其原任所得功加。例不查銷。至卓異千總。係論俸推升之員。原任內得有功加。即照功俸計算。遇升用時。銷去功加二等。

廕生改武。○雍正十二年議准。廕生願改武職者。具呈吏部。咨送到部。考驗弓馬技藝。將年力精壯者引

見恭候

欽定選用侍衛外。其餘或交巡捕營當差。或交外省督撫提鎮隨營試用。俟弓馬嫻熟。營務通曉。在巡捕營者。由該統領引

見。交部按品補用。都司按人文到部先後補用。守備  
衛千總。於各班之末。輪用一人。守禦所千總。歸  
入劄班內用。在外省試用者。該督撫提鎮按品  
題補。給咨赴部引

見。恭候

欽定。○又議准。廕生改用武職者。在京一品尚書等  
官。在外總督將軍廕生。均以都司銜管都司用。  
在京二品侍郎等官。在外巡撫提督廕生。均以  
署都司銜管都司用。在京三品副都御史等官。  
在外總兵官布政使廕生。均以守備銜管守備

用。按察使加一品銜副將廕生。均以署守備銜管守備用。二品銜副將廕生。以守禦所千總用。小銜副將廕生。以衛千總用。○乾隆十一年議准。廕生向有改補武職之例。如將門之子。未諳文藝。而弓馬熟習者。具呈本部。以武職補用。○十六年奏准。改武廕生分發巡捕營者。由該統領引

見。交部按品推用。至分發外省試用者。均由該督撫按品題補。原不歸部銓選。但若遇該省並無題補之缺。則錄用無階。嗣後各省學習期滿之廕

生如無缺可以題補者。該督撫提鎮給咨送部引

見恭候

欽定如蒙准其補用。照巡捕營改武廕生之例歸班銓選。○二十九年奏准廕生改武。應用營守備衛千總人員歸入雙月各廕生改武班內補用。○三十四年

諭大臣子孫子廕為國家推恩令典。渥澤所加。自宜覈實。乃向來議廕止論品秩之崇卑。不復詳加區別。定例原未允協。即世爵內之公侯伯等。其祖父勳庸懋

著。錫慶承家。襲爵既尊。敘廢自難從減。並照一品子  
廢。亦與延賞之義相符。若子爵男爵之一品二品。或  
先世功績稍差。或襲次久而遞減。伊等得列崇階。已  
為厚幸。竟與公侯伯爵一體授廢。殊非所以重官聯  
昭風勸也。嗣後子爵子廢。照三品例議給。男爵子廢。  
照四品例議給。其如何分別授以官資之處。著詳悉  
妥議具奏。欽此。遵

旨議定。漢子爵三品廢生改武者。以千總分別營衛用。  
男爵四品廢生改武者。以把總補用。○三十九  
年奏准。廢生改武。以營千總把總補用者。分發



該員鄰近省分。照隨營期滿武舉之例拔補。○  
嘉慶四年奏准。隨營武舉期滿。即留於本省分  
別拔補。所有改武廕生。以營千總把總用者。亦  
照此辦理。○六年奏准。雙月營守備衛千總缺  
出。應用改武廕生。其廕生改武班名目。改為廕  
生班。並將雙月守禦所千總缺出。應用改武廕  
生之劄班。亦改為廕生班。以歸畫一。○又定。難  
廕衛千總承襲後。年已及歲。該督撫發交就近  
標營學習。給予馬糧。與兵丁一體差操。學習期  
滿。以把總補用。仍用六品頂戴。

難廕守備。○雍正十一年議准。難廕應用守備人員。赴部候選時。考試弓馬技藝引

見。應以營衛守備用之處。恭候

欽定。如以營用者。入於雙月劄班內。與澎臺俸滿千總相間補用。以衛用者。入於衛守備劄班內補用。○乾隆四十年奏准。難廕都司守備。照漢世職分發學習之例。帶領引

見。俱發回本省。隨營學習三年。如果弓馬嫻熟。諳練營伍者。該大臣將都司守備。出具考語。送部引見。或由部選用。或發回本省題補。恭候

欽定。所有難廕千總。把總。發營學習。期滿後。該督撫  
考驗。咨部拔補。毋庸送部。至守備一項。毋庸仍  
照舊例。分別營衛。○四十九年

諭。向來旗員效力行閒。懋著勞績。及臨陣捐軀者。其子  
孫俱得世職。而綠營員弁陣亡。議卹之例。止得難廕  
一次。同一扞忠死事。朕不忍稍涉歧視。嗣後陣亡人  
員。無論漢人及旗人之用於綠營者。一體給予世職。  
卹次已完。亦應酌給恩騎尉。俾賞延於世。其應如  
何酌定章程之處。該部詳議具奏。欽此。遵

旨議定。綠營陣亡。提督。照都統例。議給騎都尉。兼一雲

騎尉。總兵官照副都統例。議給騎都尉。副將以下。經制外委以上。照參領以下。及有頂戴官員以上例。俱議給雲騎尉。其應襲人員。令該督撫查明年歲。照旗員之例。年已十八歲者。送部引見。承襲發標學習。准食全俸。其年未及歲者。先將宗圖冊結查覈。具題請襲。奉

旨。准其承襲後。給予半俸。俟及歲時。補行送部。照例辦理。○五十七年

諭。難廢員弁。在營學習年滿後。如果弓馬熟練。差操勤勉。自應秉公拔補。俾得及時效用。若人材弓馬平常。

不堪造就。亦當令其回籍。其應如何立定年限之處。著該部定議具奏。欽此。遵。

旨議定。向例陣亡官員。議給難蔭。俱蒙

特旨賞給世職。所有世職內應用參將遊擊都司守備千總。及從前難蔭應用都司守備千總把總員弁。除守備以上等官。學習期滿。送部引

見。如奉

旨留部選用者。仍照舊例辦理外。其發回原省題補各員弁。統以到營學習之日起。扣滿五年。如果弓馬人材可觀。覈計通省。按到營先後。挨次題

補拔補。如有始勤終怠。及庸劣無能者。勒令回籍。○五十八年議准。難廢千把。學習期滿。各就原發標營。按到標先後日期。挨次補用。○嘉慶六年議准。單月守備內。應用難廢人員之劄班名目。改為難廢班。所有難廢守備學習期滿引見時。如奉

旨留部用者。即歸入本班選用。

提塘錄用。○康熙六十一年議准。各省提塘員缺。限部文到日。該督撫即行揀選。合例人員送部頂補。如不速行揀選。將督撫題叅。照事件遲

延例議處。如揀選之人。領文不即赴部。在路逗  
遛者。亦照赴部違限例議處。○雍正六年議准。  
各省提塘。令該督撫於本省武進士。及候補候  
選守備內。揀選家道殷實。小心謹慎之人。取其  
地方官印結。申送考驗。咨部頂補。三年期滿。如  
果勤勞無過。由部註冊。照本班即用。怠惰偷安。  
貽誤塘務者。將該提塘斥革。如將應密事件。豫  
通信息。及恐嚇詐騙。交刑部治罪。其出結申送  
之該地方官。照濫舉匪人例議處。督撫照失察  
例議處。○乾隆五年奏准。各省提塘。將屆期滿。

於十月以前。即行文該督撫。豫行揀選。合例人員。按照定限。送部頂補。○六年奏准。嗣後武進士充補提塘。三年期滿。如有未經揀選者。不准歸班。由部照例揀選。分別一二三等。以營衛推用。均歸入效力班下。仍按期滿先後科分名次擢用。○三十六年奏准。武進士未經揀選。充補提塘。效力期滿。照揀選一二等武進士帶領引見之例。考驗。分別等第引見。可否准其一二等註冊之處。恭候

欽定。○三十九年奏准。武進士充補提塘。三年期滿。



勤勞無過。兵部公同考驗弓馬。概行帶領引

見。或以營守備或以衛守備選用之處。恭候

欽定。其期滿提塘內有曾經充補差官。三年期滿引見奉

旨以營用之員。續補提塘。三年期滿者。入於應用班

內選用。毋庸分別營衛。再各省提塘。如貽誤塘

務。將提塘斥革。至應行鈔發事件。令各設報房。

親赴六科。鈔發刷印。送科查驗轉發。四十八

年奏准。京塘期滿。不准留辦。如該省武進士人

數無多。一時實無合例之人。該督撫聲明緣由。

將本省已經揀選之一二等武舉。揀選充補。三年報滿。兵部考試弓馬。一等者帶領引

見。分別營衛。歸入提塘本班選用。二等者以守禦所千總註冊候推。○嘉慶六年奏准。一二等武舉充補提塘。三年期滿。以守禦所千總用者。歸入效力班選用。○九年奏准。武進士充補提塘差官。歸入效力班勞班後。遇本科輪選到班。仍准選用。其先充差官期滿。以營用。復充提塘期滿。及先充差官期滿。以衛用。復充提塘期滿。仍以衛用之武進士武舉。無論勞班。效力班到班。均

准選用。○十六年奏准。各省提塘員缺。武進士  
一二等武舉內。實在不能得人。即以三等武舉  
保送充補。期滿後。照一二等武舉之例辦理。○  
又議准。提塘員缺。以尚未期滿之雲騎尉充補。  
俟三年期滿。照例考驗。帶領引

見。以營守備歸提塘班內。挨次銓選。○二十一年議  
定。各省提塘丁憂。准給假百日。穿孝。會試者准  
給假兩月。患病者。委司坊官查驗屬實。量准假  
期。其餘籍詞省親修墓等事。一概不准告假回  
籍。○道光十八年議定。提塘請會試假者。以七

月十五日為始。方准具呈給假兩月。有在後遞呈者。給假日期。總以九月十五日為止。覈計日期給假。七月十五日以前。概不收呈。○又定各部院衙門。遇該提塘所投公文揭帖批冊等件。查明數目。如不短少。即發給收到回批。以免舛錯。○咸豐二年議定。各省提塘。三年報滿。均俟新充提塘將封固底墊銀兩交清。即將鈐記交出。取具交代清楚互結。再為分別班次等第。其交代限期。定以十日為限。如逾限者。毋庸分班列等。即照貽誤塘務之例斥革。其新充之員。如

無底墊辦公銀兩。並銀數不齊。希圖短少者。咨  
回本省。另揀合例人員。送部接充。○同治三年  
奏准。各省京塘任滿。行文該督撫。速揀員咨部  
接充。新充人員。統限到部一月內。交代清楚任  
事。儻舊任提塘。以私款攬入公項。勒指新任。不  
將鈐記交出者。即行叅革。押令將鈐記呈繳。令  
新任接充。若新充人員。藉端爭執。不能按限接  
辦。或銀數不齊。希圖短交者。亦即將該員叅革。  
咨明該督撫。另行揀員接充。○十三年奏准。各  
省京塘期滿。仍於守備各項內揀補。如實在不

得其人。即於候補遊擊都司內揀選。咨充。期滿交卸後。仍回本省歸原班序補。○光緒元年奏准。京塘期滿。以營守備用者。准指省投標。歸揀發班補用。升用人員內候補。以衛守備用者。准投漕標。歸揀發班候補。應升人員內候補。各按到省先後挨次補用。有願以原班在部投供候選者。許該員自行呈明。仍照舊例辦理。

差官錄用。○原定本部額設差官四十名。武舉有情願效力者。具呈充補。飛遞馬上公文本報。○雍正十二年議准。額設差官四十名內。裁汰

二十名。○乾隆五年議准。差官二十名。於武舉內取用。三年期滿。由部考驗弓馬。一等者引

見恭候

欽定。以營衛守備分別補用。次等者以守禦所千總註冊候推。其弓馬生疏。人材不及者。停其推用。仍令學習。下次再行考驗。三次不到者。除名。○七年奏准。揀選一二等武進士。情願充差官效勞者。照武舉一例當差。三年期滿。歸入勞班選用。如武進士武舉同日期滿。令其掣籤選用。如武進士內。同日期滿。照從前揀選年分等第名

次選用。○三十四年奏准。差官缺出。將衛缺用之武進士。及一二等武舉內掣籤充補。三年期滿。考驗弓馬。一等者帶領引

見恭候

欽定。俱以營衛守備分別補用。二等者武舉以守禦所千總註冊候推。武進士仍以衛守備註冊候推。至三等武舉。概不准其充補。○嘉慶十一年奏准。應掣差官之衛用武進士武舉。於

欽派王大臣揀選武舉等第出榜後。即令赴部報名。於十日內定期掣籤。○咸豐六年奏准。差官三



年報滿者。仍照常銓選。其有自行呈請留差一年者。報滿引

見。分別營衛後。均指省分發。留差二年者。報滿引

見。分別營衛後。均儘先選用。其從前已經報滿者。如

願補差一二年。亦照此分別辦理。○九年

諭。兵部奏請添掣差官並變通留差年限等語。兵部額

設差官二十名。定例於會試年籤掣。據該部奏稱。現在差官到部。不敷差遣。此次掣籤著准其援照成案。於正數二十名外。再掣備用二十名。以備差遣。至各差官三年報滿後。多無力留差。其留差一年。分發各

省者。因軍營儘先人員過多。頗難得缺。自應量為變通。嗣後各差官等。三年報滿。仍照例銓選。其有呈請留差一年期滿者。即准其指省分發。作為儘先候補。與各項儘先人員。挨次序補。毋庸留差二年。俾資奮勉。將來軍務告竣後。續經到部者。仍照常例辦理。

同治二年奏准。額設差官二十名。向分兩班當差。每班十名。現因文報繁多。將遞送摺報差官。添設二名。夜間德勝門外。添設四名。門內添設一名。兩班共添十四名。○七年奏准。正用備用差官。仍照舊例籤掣。如三等武舉。並一二等未

經掣出之武舉。有呈請效力者。無論人數多寡。另行籤掣五十名。作為額外效力差官。仍以四年為滿。如再有缺額。無人充補。准列入一二等未籤出之武舉。隨時呈請。如一二等無人。方准三等未籤出者呈請。仍須實在懸有幾缺。方准呈請充補幾人。十年議定。差官缺出。先儘正用投供之員擬補。如正用投供無人。再以備用差官擬補。以上二項。由衛用武進士掣出者。應挨等第名次。在一二等武舉前補用。由一二等武舉掣出者。各按揀選科分先後等第名次。高

下比較如同係一科。同係一等。應以直隸一等  
第一為先。江蘇等省第一。各按註冊次序輪用。  
如江蘇一等第一。直隸第二。即以江蘇一等第  
一先補。餘省皆仿照較用。其非同科者。止論科  
分。下科一等第一。不得越上科一等第二之前。  
至額外效力差官。止准與額外效力之員比較。  
科分先後。等第名次高下。不得與正備用一同  
比較。儻該員頂補時。經三傳不到。或過堂並不  
呈驗執照者。均即扣除。另將是月投供以次之  
員擬補。

欽定大清會典事例卷五百六十七

兵部

職制 保舉

保舉。○康熙四十七年議在福建廣東二省。武進士舉人生監民人內有練習水師事宜。願隨官兵出洋巡哨效力者。該督撫豫先列名咨部。果能擒盜立功。保舉引

見敘用。○雍正三年議准各省武職各官。有例應題補者。該督撫提鎮分別水師陸路。將現任屬官內。擇其才守兼優。勤慎奉職。或洞悉水師事宜

者。豫行公同保舉。具有事故者。除失察大盜革職。留任戴罪圖功。不准保舉外。如有降職降級。住俸降俸及承追督催未完案件。均於保舉本內聲敘。由部覈明引。

見。未滿三年與例相符者。均題明註冊。其未經引見及引。

見。已滿三年者。均題明調取引。

見。陸續送部恭候。

欽定註冊。俟有本省員缺應題補者。各按應升之官。

掣籤補用。○五年。

諭各省副將參將。著該省督撫提鎮會同分別列為一等二等三等。出具考語。密咨兵部。將履歷年歲籍貫繕摺進呈。其副將參將中有曾經特用及該上司題升者亦皆仍分別等次。出具考語一體咨部。務期秉公據實。毋得瞻徇情面。○六年

諭從前降旨令各省督撫提鎮將副將參將分別列為一等二等三等。出具考語。密咨兵部。繕摺進呈。但思人之存心行事亦有先後易轍者。若以等次考語既定。不便更易。則身列優等者。或有自恃妄為之心。而身列下等者。不復有奮勵上進之念。非隨時造就之

道也。若再行文督撫提鎮等。若咨部之後。該員或怠情前修。或悛改舊習。雖無功績劣蹟。不至於保薦叅處者。則亦當優等降為劣等。劣等升為優等。若督撫提鎮據實移咨兵部。不必作難回護。若前任上司所定。而後任有應當更改者。亦照此咨部。不必執一。著將此通行各省武職等。皆令知之。○十三年奉

旨。水師各官員缺。皆關緊要。現在通曉水師。可以補用者。甚少。爾部行文福建廣東總督。於千總內揀選熟諳水師者。福建省著保舉六人。廣東省著保舉四人。送部。授為監翎侍衛行走。以備揀選水師之用。○乾



隆六年奉

旨。副將等分別等次之處。累年各省咨部具奏者皆不畫一。且各該員新舊不一。復不時升調。若不定以限期。各省督撫勢難遵行。嗣後著以五年舉行一次。永著為例。○又奉

旨。各省副將參將。從前曾降諭旨。令督撫提鎮會同分別等第。五年舉行一次。現在陸續咨部。著將所保一等之副將參將。皆送部引見。永著為例。○又奏准直省副將參將。該督撫提鎮分別列為一等二等三等。其漢軍將軍標副將參將。及巡捕營參將。

由該將軍統領分別等次亦於五年舉行一次。  
○又奏准副將參將列為一等者調取引

見如蒙准其一等註冊。遇有各省總兵官缺將應升人員照例開列具題。仍將保舉一等之副將繕摺隨本進呈。副將員缺亦將應升人員照例開列具題。仍將保舉一等之參將繕摺隨本進呈。  
○九年奉

旨。著各省總督巡撫提督於所屬副將內慎選可勝總兵之任者。秉公保舉具奏。○又奉

旨。各省督撫提督保舉能勝總兵之副將朕皆降旨令

送部引見。但此等保舉之副將。一省中或有數人。若一時送部。則營伍辦事。未免乏人。著各該督撫提督斟酌先後。陸續送部引見。○又議定。陝甘二省及四川松潘一鎮守備員缺。係在外題補者。第一次用旗員。第二次掣用豫保千總。第三四五次於候補人員內揀選題補。至四川通省各標協營守備。未經分用旗員者。遇有題補之缺。第一次歸豫保千總掣補。第二三四次歸候補之人題補。○十年議准。各省豫保各官。有已過三年未經升用者。令各該督撫提鎮。詳加考驗甄別。如

果堪升用。出具考語咨部。仍照例掣補。其有弓馬技藝不如從前。辦理營伍。並無進益。及年力已非精壯。不堪升用之人。即咨部註銷。○又奏在嗣後除陝甘二省松潘一鎮。仍照九年之例分用外。其各省候補守備與豫保千總。照四川通省補用守備例。第一次歸豫保千總掣補。第二三四次歸候補人員題補。再有員缺。照此分用。○十一年奉

旨。各省參將。例應將軍督撫提鎮分別等次。五年舉行一次。送部引見。今屆舉行之期。除照定例舉行外。著

各省將軍督撫提鎮於所屬參將內擇其可勝副將之任者。秉公各保具奏。將所保之人酌量送部引見。以備朕陸續委用。○又奏准各省保舉之一等副將一等參將。若前因保舉總兵副將已經引

見未滿三年者均免其送部。於密咨到部時將該員保舉總兵副將曾經引

見並所奉

諭旨聲明具奏。即以一等註冊。○十四年奉

旨。從前曾降旨令各省督撫提督於所屬副將內保舉堪勝總兵官之人。經各督撫提督陸續保奏調來引

見人皆平常。並無傑出之才。朕於其中簡擢數人。亦止將就錄用。總兵官為將領之統率。必須才具出眾。乃能勝任。今遇員缺一時難得其人。著該督撫提督。再於所屬副將內。擇其實在堪勝總兵官者。各保二三人。儘副將內乏人。即於參將內選擇亦可。該督撫提督。不得以中平之人。濫膺茲選。亦不得因朕有此旨。遂委之無人。以圖規避。務須實心遴選。據實保舉。奏聞。送部引見。候朕酌量簡用。○又奏准。武職豫保各官。原因要地需人。是以行令各該將軍督撫。提鎮。揀選豫保註冊。向例無論新舊。遇缺一例。

掣升。惟是豫保千總一項。雖應掣升守備。但六年俸滿。即應離任。非若豫保應掣升副參遊都之人。並不離任。在部論俸可升。在外遇缺得題者可比。是以有豫保註冊多年。尚未掣升。亦有甫經豫保。即得掣升者。其先保之人。竟至守候無期。未免偏枯。嗣後豫保千總。遇有應掣守備員缺時。先將前次註冊之人。掣升完日。再將其次註冊之人。掣升。○又奏准江南浙江兩省陸路守備員缺。第一次歸豫保千總掣補。第二次歸候補人員題補。再有員缺。照此分用。○二十

一年

諭總兵為方鎮大員。有表率營伍之責。從前曾經降旨。令直省督提。於副將內保舉堪勝總兵之員。嗣又將各省副將。歷俸五年以上者。酌量送部引見。以備簡用。而該督等所舉。多遷就塞責。出眾之員甚少。現在記名人員。已將用完。著該督提等。再於現任副將內。堪勝總兵之任者。不必拘定年限。詳慎遴擇。各保數員。陸續送部引見。候朕酌量簡用。○又奏准。保舉堪勝總兵之副將。先行保列一等。送部引

見奉



旨以一等註冊者。俟過三年後。再行帶領引見。○二十二年

諭總兵一官。有表率營伍。彈壓地方之責。每遇缺出。甚難其人。前經降旨。令各督提將堪勝總兵之副將。各保數員。以備簡用。年來漸次升擢。所餘無幾。再者各督提於現在副將內。歷俸五年以上。勝任總兵之員。各保一二人。其參遊都守等官。如果才略出眾。足膺專闕之寄。不拘資格。並各保舉一人。一體送部引見。以儲將才。○二十三年

諭向來兵部帶領引見武弁內。有一人而兼數種。如卓

異保列豫保年滿之類。該部一一開奏。甚無謂也。嗣後如何歸於簡正。亦不礙彼升遷。著該部詳議奏聞。欽此。遵。

旨議定。副將卓異兼保列一等者。應止將保列一等開奏。參將卓異保列一等。豫保三項相兼者。專以豫保開奏。其卓異保列一等兩項相兼者。專以保列一等開奏。遊擊以下卓異兼豫保者。專以卓異開奏。水師卓異兼豫保者。專以豫保開奏。○又奏准陝甘二省。四川松潘一鎮。題補守備缺出。以第一缺仍照舊例補用旗員。第二三四

五改為豫保人員。與候補人員一掣一題。相間  
補用。仍按五缺一輪。其餘直省水師陸路題補  
守備缺出。俱照江南浙江之例辦理。○二十四  
年

諭綠營副將。有表率營伍之責。簡用自宜慎重。現在由  
旗員外補者。定例五年調換。而漢人尚未定有年限。  
嗣後各省漢員副將。歷俸五年。著該督提出具考語。  
送部引見。候朕隨時甄別。○又

諭前經降旨。各省副將。歷俸五年以上者。著該督提陸  
續送部引見。而由旗員外補之人。又有五年調換來

京由軍機處查奏請旨之例。與綠營副將等專定五年送部者不同。嗣後旗員副將。分別道里遠近。定以年分。雲南貴州四川廣東廣西福建等省。以七年為期。江西浙江湖南湖北陝西甘肅等省。以六年為期。江南河南山東山西直隸等省。以五年為期。著該督提等。屆期將該員分別出具考語。送部引見。如有堪勝總兵之任者。一併奏明。或應留京。或回原任。候朕酌量降旨。所有軍機處原辦五年調換之例。著停止。

○二十五年議准。福建浙江二省。外海水師遊擊缺出。例准於水師都司守備內通融題補。惟

豫保守備。向無遊都兼掣之例。嗣後該二省水師現任守備內。有堪膺豫保者。或應以都司掣補。或應以都司遊擊兼掣之處。該督撫於本內聲明。恭候

欽定。○二十八年奏准。俸滿副將。於未經俸滿之前。有保舉堪勝總兵。送部引

見者。其俸滿時。暫停送部。統俟一年後。仍令該督提將歷俸年滿。並已經保舉堪勝總兵之處。聲明具奏。送部引

見。○二十九年議准。副將邊俸報滿。令該督撫提督

出具切實考語。能否堪勝總兵之任。送部引

見奉

旨。後遇有總兵缺出。入於開列本內。另單進呈。恭候簡放。○三十年

諭。嗣後副將俸滿。仍照舊例送部引見。其聲明能否堪勝總兵之處。著概行停止。○三十四年

諭。歷俸在五年以上之滿洲蒙古副將。著行文調取來京引見。所有參將各員。著俟歷俸七年。再行調取引見。著為令。○又奏准。各省水師員弁內。有堪膺豫保者。該督撫先將歷俸一年以上之員。揀選保舉。

如實無合例之員。在於未滿年限員弁內揀選保題。○三十六年奏准健銳營水師藍翎侍衛裁汰。改設委署千總把總。即於本營水手舵工內遞拔。所有向例咨取福建廣東水師千總補放之例。即行停止。○三十七年奏准各省陸路豫保應掣副將參將遊擊都司等官。遇有本省題補缺出。與候補人員一掣一題。相間輪用。○

四十二年

諭。向來副將各員。每屆五年。該督等分別等第。密行咨部具奏一次。而提鎮係專閫大員。向未之及。今思各

省提督。不過十餘員。皆朕所深知者。至總兵員缺甚多。其人之才具優劣。及操防是否於營伍有益。皆無由深悉。嗣後著各該督將所屬總兵。亦照副參之例。出具考語。分別等次。密奏一次。其無總督省分。即著兼提督銜之巡撫。遵照辦理。務宜一秉至公。毋稍瞻徇。○四十八年奏准。雲貴川廣陝甘湖南等省。道里較遠。且係邊疆要缺。及各省之內河外海諸缺。俱宜熟習風土。諳練水師之員。方克勝任。應仍照例。豫保其餘近省陸路。豫保。概行停止。又豫保人員。奉



旨准其註冊後。或由部掣補。及該督撫題請升補者。  
無論引

見已滿未滿。俱毋庸調取赴部。○又奏准。應掣陸路  
副將參將遊擊都司之豫保人員。與各本省候  
補人員。兩掣一題。惟應掣守備一項。仍照舊例  
辦理。○四十九年

諭。向來水師陸路總兵。各令該省總督出具考語。密摺  
陳奏。近年以來。各省陳奏總兵賢否者。甚屬寥寥。即  
提督職分雖大。誼屬平行。而一切操防事宜。仍歸總  
督節制。亦宜一體留心。密行入告。嗣後著各省總督

於每年將該省提督是否勝任。及總兵能否整頓營伍防範地方之處。留心體察。據實密奏一次。若河南山西山東巡撫兼提督省分。著該撫將該省總兵賢否之處。據實密奏。五十年奏准。各省漢副將。按道里遠近。酌定年分。雲南貴州四川廣東廣西福建等省。以七年為期。江西浙江湖南湖北陝西甘肅等省。以六年為期。江南河南山東山西直隸等省。以五年為期。屆期各該督撫提督等。將該員分別出具考語。送部引

見如內有未經俸滿之前。曾經保舉卓異一等等項。

送部引

見回任者。其俸滿之處。暫停咨送。統俟二年後再行送部。○五十二年

諭。據河南巡撫奏。該省提鎮等第考語一摺內。將考語及等第兩單。附入一摺。殊覺混淆。嗣後每年提鎮考語。仍照例於年終密行陳奏外。如屆五年應行分別等第之期。即將各該總兵等第。咨明該部存案。毋庸同附一摺。以致牽混。○五十四年奏准。豫保人員內。有降留案件。及豫保後續有事故者。均不准一體掣籤。俟開復後再行掣補。○又奏准。嗣後漢

員參將。照漢副將之例。定以近省五年。中省六年。遠省七年。調取引。

見。五十七年奏准。副將參將未經俸滿之前。曾經保舉卓異一等引。

見者。即以引。

見之日起。分別滿漢。七年者改為五年。其五年六年者均改為四年後。再行送部。五十八年奏准。豫行保舉參將遊擊都司等官。照千總掣補守備之例。將前次保題之員。掣補完日。再掣其次保題人員。如前次保題之員。遇有丁憂事故。即

行停掣。俟報開復後。先儘坐補。○又奏准保送守備都司遊擊參將等項候升人員。每屆三年甄別一次。如至二次甄別。尚未升用。仍請留任候升者。該督撫出具考語。給咨送部引

見。應否准其回任候升之處。恭候

欽定。○五十九年奏准伊犁烏魯木齊等處守備以下各官。豫行保舉軍政卓異邊俸俸滿。該將軍等保題到部。由部查明與例相符者。題明註冊。升用後再行調取。○嘉慶五年奏准水師人員。豫保註冊後。先儘歷俸一年以上者。掣補完日。

再將未滿年限之員。掣籤升署。俟扣滿年限實  
授。○六年奏准。各省副將參將內。有卓異一等  
豫保三項相兼者。及遊擊以下等官。有卓異豫  
保相兼者。到部引

見時。俱全行開列具奏。○又奏准。陸路題補缺出。以  
第一缺用豫保。第二缺用揀發。第三缺用應升  
應補人員。三缺一輪。水師題缺。以第一缺用豫  
保。第二缺用應升應補人員。相間輪用。○七年  
奏准。豫保題明註冊人員。掣補時。如距前次引  
見已逾三年者。俱調取赴部。○十二年奏准。題補缺

出。如輪用應升應補人員時。其曾經豫保之員。准其與未經豫保之應升應補人員一體揀選題補。○十五年議准。福建陸路題補缺出。仍照舊例。於現任屬員內。揀選差操勤慎者有勞績者。豫行保題送部引

見。恭候

欽定註冊遇應用豫保時。內地將備缺出。內地豫保人員與臺灣豫保人員一體掣補。其臺灣將備缺出。遇應用豫保時。儘歸臺灣人員掣補。如臺灣無豫保人員。仍令該督於臺地人員揀選題

補至豫保遊擊內。有籍隸本省者。遇有廣東應  
掣之缺。互相調掣。又定。陝甘二省派防屯所  
官員。經該督等豫行保舉者。於題覆奉

旨後。即入豫保冊內。遇輪用豫保時。一體掣補。仍留  
屯所。俟班滿回營後。補行送部引

見。○十七年覆准。廣東省內河水師將備缺多。每無  
合例人員升補。准該督撫於陸路人員內擇其  
緝捕得力。堪補內河水師者。酌保遊擊都司各  
一員。守備千把各二員。出具切實考語。先期奏  
明。俟有內河水師缺出。如無本項應升人員。即



將改用之員題補。○又定陝甘二省各項應題缺出。各按缺次。以滿員綠營人員輪用。如副將參將遊擊都司。遇輪用綠營時。專以豫保人員掣補。如無應掣之員。行文以現任人員題補。至應題守備缺出。豫保人員與候題人員相間輪用。○十八年

諭。蔣攸銛等奏陸路守備請改補外海水師一摺。潮州鎮標守備黃正嵩。南雄協守備毛國斌。既據該督等奏稱該二員向在水師緝捕得力。著准其以外海水師改用。○二十五年議准。嗣後在部候選陸路武職。

並現任陸路人員。有願改水師。覈其籍隸海濱。飭發水師總兵官。交與出巡外洋將備。帶赴外洋認真試驗。酌以半年為期。如果諳習水務。由巡洋將備。出具切實印結。該總兵官加具保結呈覆。凡部發人員。照例扣滿三年。輪缺補用。試驗期滿。儻不能諳習水務。將本員照蒙混具呈例議處。至世職雲騎尉。定例發標學習。三年期滿。恩騎尉五年期滿。武舉效力。三年期滿。此等人員。多有期滿後。呈改水師者。今於發標效力時。豫先呈明。分派外海各營。隨同出洋巡哨。扣

滿三年。如果明習水師。取具保結。分別送部引見。咨留輪缺補用。儻於外海不宜。亦照蒙混具呈例議處。如不豫行呈明。既在陸營收標。概不准復行呈改。直隸天津水師。照山東登州水師之例。設有豫保有願改水師者。與浙江福建廣東山東有水師省分一體准其呈改。○道光五年

諭。前據趙慎畛校閱閩省長福等營水陸官兵。分列等第。升拔降補具奏。當照議交部辦理。嗣經兵部以拔補各缺內。有停升住俸限緝之案。與例不符。議駁。茲該督奏稱。查閱營伍考覈員升。與尋常循例升用不

同。且閱兵時升拔降補。係當場宣諭。員弁有無處分。不能一一稽覈。若俟校閱事畢。檢查成例。轉不足以昭懲勸。並稱向來閱兵案內。憑技藝而不計處分。錄寸長而並不計缺次。係按照成案辦理。所奏未嘗不是。惟激揚人才。於鼓勵之中。仍須示以限制。若概言破格錄用。亦恐啟趨避倖進之漸。况升遷調補各員。弁總須候旨明白宣示。以示獎勵。即奉旨之後。部臣查有違例處分。亦准奏明駁斥。朕一秉大公。從不豫存成見。部臣照例辦理。亦不容稍有軒輊於其間也。所有技藝優嫗之千總曾寶光等。著該督先行存記。

將來如有相當缺出。酌量升用。此次該督請將曾寶光遇缺即升。把總黃長安孫得陞楊得貴等遞行升拔之處。仍照部議不准行。○七年

諭。昨日兵部帶領引見人員內。豫行保舉之雲南東川營左軍千總謝安邦。箭不到靶。其平日才技。已可概見。謝安邦者。不准其豫保註冊。並即降為把總。以觀後效。前署雲貴總督伊里布。將此等技藝生疏之員。濫行保舉。著交部議處。各省豫保人員。以備升用。不可不加重慎重。若技庸者得列薦章。必致技優者轉多屈抑。何以整營伍而勵人材。嗣後各省豫保武職。

務須認真遴舉。擇其年力精壯。才技優嫻。不得任意濫保。如再有似此等庸劣之人。必將該員即行革職。所保之上司。交部嚴議。○十年奉

旨。各省外海水師營分巡緝。關係緊要。各項改用人員。定例所載試驗之法。極為詳備。惟半年之期較促。難以周知。嗣後著定以一年試驗。所有帶驗出洋月日。經過地方。該將備於保結內詳悉開載。並令該鎮於巡洋時。將該員隨帶出洋。親加考驗。其果否諳習水師。不畏風濤。加結報明該督撫。認真稽覈。並報部備查。其有不諳水師者。即將該員照例議處。至保舉准

改後仍著勤加察看。隨時甄汰。以免冒濫。至內河水師。向無呈改之例。均由內河兵丁升轉。其平日緝捕。本與陸路無異。惟歷俸悉照外海之例。一年即准升擢。未免過優。著將內河人員歷俸一年。改為歷俸二年。遇有缺出。再行題補。以示區別。○又奉

旨。前據孫爾準奏請嚴定改用外海水師人員之例。當交軍機大臣會同兵部議奏。茲據奏改用水師人員。向例與應升降調候補人員。相間輪用。改用人數。不敵三項之多。得缺難易迥殊。嗣後著准其補用。應題二缺後。輪補改用水師一人。其豫保人員。仍照舊例。

辦理。至此項改用人員。是否能收實效。不在歷俸之淺深。而在試驗之寬嚴。如果該督撫認真考察。該員等自不得不勤。歷外洋習練技藝。即素未諳曉之員。亦知做畏。不敢濫行呈改。若同涉風濤之險。歷俸又顯有區別。轉不足以昭平允。所有該督請將改用人員。歷俸二年。方准保題之處。著毋庸議。又該督奏稱。改用將弁。一時均不得人。皆因呈改之後。不肯留心學習。嗣後在京各省武進士武舉及候補候選等官。悉照閩粵水師效力之例。毋庸在部呈改。如實有熟諳水性擒賊立功者。由該督撫保題送部。其外省世



職陸路呈改人員。亦著照此例辦理。至業經改用之武進士武舉雲騎尉等官。即飭令有水師各省督撫嚴加考察。儻於外海不宜。隨時甄別。照蒙混具呈例議處。以肅洋政而勵人材。○十六年

諭。鄧廷楨奏請將降調總兵留省差遣一摺。廣東高州鎮總兵萬榮。因將伊子更換籍貫。收入本標。部議降調。係屬私罪。該督輒藉曉暢營伍為詞。奏請留省差遣。實屬冒昧。兩廣水陸各營人材不乏。如果該督留心訓練。足資差委。何必以獲咎之員。違例奏留。鄧廷楨著嚴行申飭。所請不准行。○二十二年

諭。祁墳奏稱粵東外海水師乏員。請酌量變通一摺。該部奏稱該督因水師乏人。請揀選酌保。自應量為變通。著准其於陸路將備內酌保遊擊都司各一員。守備千總把總各二員。仍令帶赴外洋試驗。一年期滿。果能擒賊立功。熟諳水性。准其保題送部引見。至雲騎尉恩騎尉及隨營武舉有願改水師者。並著准其隨時呈改。照例補用。惟外海水師與陸路迥不相同。必須於洋面情形。身親閱歷。方能勝任。著責成該督及水師提鎮將所保人員。及呈改水師各員。飭令前赴外洋。實心講求水師事宜。果能熟習風濤。足資得

力。方准輪缺挨補。不得虛應故事。有名無實。儻改用  
水師之後。於海外巡防。不能留心學習。除將所保之  
員撤回外。並將原保之該上司照例議處。決不寬貸。  
○二十三年

諭朕恭閱

皇祖高宗純皇帝實錄內載乾隆十五年六月

諭水師兵丁與陸路不同。在陸路則以漢仗弓馬為能。  
而水師則專以水戰為事。況將弁為兵丁之領袖。凡  
風雲氣色。島嶼形勢。以及往來駕駛之法。尤須練習  
有素。方可指揮士卒。操縱得宜。嗣後各省拔補水師

千把務留心選擇通曉水性熟練舟師之員。方許呈送考驗等因。欽此。仰見

皇祖慎重水師。豫儲將帥之至意。必應永遠遵循。毋致日久生懈。近來水師將弁。不盡得人。每遇出洋巡捕之事。甚至畏避風潮。逗遛近島。總緣拔補千把總時。總督提鎮多取漢仗弓馬。而不求實在諳習水師之人。循資按格。洵厯大員。其於水師一切機宜。未能洞悉。則所呈送保舉之人。安望能得習知水性熟練舟師者耶。現在各省善後章程。飭令水師兵弁演放槍礮。尤須不畏風浪。慣能駕駛。方能施放有準。著通諭

沿海總督提鎮等。於拔補千把總時。務須留心選擇。或諳識風雲。或周知島嶼。或駕駛船隻得宜。或施放槍礮有準。覈實送呈。秉公考驗。該總督提鎮均係受恩深重之人。各宜為國求才。實心遴選。俾水師日有起色。毋負朕諄諄訓誡之意。○二十五年奏准。嗣後武進士。武舉各項世職。候補。候選。並陸路營員。有呈改水師者。列名報部。隨帶出洋考驗。其不宜外海者。隨時甄別撥回。有營分者。仍回原營。當差。無營分者。仍回原處。將改用水師之名註銷。免其處分。其尚堪造就者。一年期滿。准該鎮

將加結申詳督撫。咨留報部存查。除熟諳水性。擒賊立功。仍照例辦理外。其雖未擒賊立功。而能諳習水性。精熟槍礮者。亦准於試驗一年。咨留後。再學習一年。期滿果堪補用。由該督撫出具考語。保題送部。即以咨留之日。扣滿年限。輪補至各項世職。隨營武舉。向例三年學習。應再加試驗一年。始准保題。以上各項人員。保題後。各按本班照例輪補。如咨留保題。暨得缺後。查有不諳水性。槍礮未能精熟者。將該員咨回原處。照蒙混具呈例議處。其原驗之咨留保題官。

亦照例議處。○二十六年議准駐防旗人武舉不准改用水師。○三十年

諭直省司道府廳州縣以及營伍員弁內各督撫見聞所及隨時察看自必知之最悉如查有才德兼優誠心任事確有實據者著出具切實考語秉公具摺酌保數員候朕簡用履任後除公罪不論外如有作姦犯科身罹私罪惟該保之督撫是問其有貪婪不法以刻為明或年老昏憤不能辦事者亦著據實參奏不准姑容。○又奏准各省督撫保舉之員均由部調

取引

見恭候

欽定。○咸豐六年

諭。前據駱秉章奏。湖南鳳凰廳勦匪出力之各苗備弁。請准撥入綠營一摺。當交兵部議奏。茲據裕誠等奏稱。現當黔匪滋事。竄擾該廳苗地。該苗備弁尚能約束良苗。兼資勦捕。誠屬深明大義。自應破格優獎。著准其於事竣後。將該苗備弁曾經賞給翎銜者。擇其尤為出力之員。據實保奏。撥入綠營學習序補。嗣後不得援以為例。至其分營序補如何限制章程。及補用後能否鈐東內地兵丁杜絕苗匪勾結之處。仍著



該撫詳悉體察。一併妥議具奏。欽此。遵

旨議准。曾經賞給翎銜。尤為出力。各苗備弁。據實保奏。撥入內地。距該苗籍五百里以外。營分學習。其都司銜藍翎花翎守備。學習五年期滿後。出具考語。送部引

見發回後。准其於守備輪缺內。用世職人員後。插用一缺。藍翎苗守備。准以營千總補用。守備銜藍翎苗千總。准以營把總補用。均俟到標學習五年期滿。考驗弓馬營伍熟習。准以千總第七缺。把總第十缺。分別拔補。咨部附入彙題。其升階

准至都司為止。不得升至三品。以示限制。此次保舉苗備弁用竣後。即將輪缺撤銷。嗣後不得援以為例。至該苗備弁等發標學習之後。仍令該撫隨時體察。儻有差操。懈惰及營務廢弛等弊。立即撤歸苗籍。以肅營伍。○七年奏准。嗣後軍營保舉。皆以遇缺及儘先為止。不得率加遇缺前。先選字樣。○十一年

諭陝西延綏鎮總兵博崇武。由吉林佐領改補綠營。洊升總兵。雖據該部奏稱。由滿營保送綠營。係屬合例。惟博崇武係吉林旗員。與各省駐防不同。保升綠營

之缺於例究屬不合。博崇武者開缺記名以副都統用。嗣後除各省駐防營員仍准保升綠營外。其吉林黑龍江等處營員。各路軍營均不准保升綠營員缺。以示限制。○同治五年奏准。長江水師總兵缺出。應由長江提督兩江兩湖總督。平日各保堪勝人員。送部引

見。俟奉

旨記名後。仍回原營恭候

簡放。○六年奏准。副參以下各官保有省分者。留於該省候補。如奏明改發。仍行照准。其率行咨請

改指他省者不准。○又奏准各省保舉參將。未經保留省分。及例應迴避本省者。均應赴部候補。如積至五員。照留部參將例帶領引。

見開有題缺省分請

旨發往其副將亦照此辦理。○又奏准軍營保舉一經奉

旨允准。即由原保大臣督撫咨照該員原籍督撫備案。如派往他處改投別營。亦咨照該員原籍督撫。並隨時報部。以備查覈。○又奏准參將以下保舉推選各官。均應赴部投供。非保有省分及

在部捐分發者。不准收標。其捐分發人員。仍俟試用一年期滿。再按原保官階序補。○又奏准各省保舉人員。呈請收標者。均須咨部。並將履歷詳細造送。以備查覈。方准收標。○又奏准保舉儘先各官。均按奉

旨先後挨次補用。各督撫奏補時。必須按名揀選。如實在不得其人。或員缺緊要。亦必須將名次在先各員。按名指實。於此缺何項不宜。方准將名次在後之員。聲明請補。○又奏准軍營保舉副將以下。守備以上。奉

旨允准者。方准收標補用。千總以下。如於保奏出力人員摺內。聲明另行咨部存案者。亦准收標補用。儻僅有保舉文劄。守備以上未奉

旨允准。千總以下未奏明。另行咨部存案者。一概不准收標。○七年奏准。保舉推選各官。並副參應迴避本省者。必須專摺奏留。奉

旨允行。方准收標。不得率行咨部註冊。其由捐納入營人員。未經赴部分發。即得有保舉。仍不准遽行奏請收標補用。○九年奏准。應行迴避本省之副參。並原保應行赴部推選各官。續經各省

督撫奏請留省補用。及應歸本籍收標之遊擊  
以下人員。續經奏留隔省補用者。均按奏留奉  
旨日期。歸班序補。○又題准藍翎侍衛請註銷保案。  
仍歸本班。應比照捐班註銷之例。准其將保案  
註銷。○十年題准。凡註銷後數層保案。仍留原  
保官階者。應自註銷奉

旨之日起。歸班序補。○十三年

諭。左宗棠奏請簡漢中鎮總兵一摺。陝西漢中鎮總兵  
員缺。著楊長春補授。向來提鎮缺出。均由特簡。且現  
在各軍營。俱有記名人員。候旨簡放。此次左宗棠將

周紹濂等開單呈覽。殊屬非是。嗣後各督撫務當恪遵定例。不得列名請簡。以符體制。○光緒元年

諭軍興以來。各路統兵大臣督撫保舉記名提鎮。其中材略出衆。卓著戰功者。固不乏人。而人數衆多。亦難免有庸劣之員。濫竽附入。著各路統兵大臣督撫於記名提鎮各員內。悉心考察。如有實在堪勝專閫之任者。再行出具切實考語。奏明存記。以備簡用。若才具平庸。不能稱職。或著有劣迹者。即著嚴加甄別。據實奏參。毋得稍涉徇隱。以副朝廷慎選人材至意。○三年奏准。嗣後各省奏補員缺。



所補之員。查明在他省並無叅革朦保情弊。隨摺聲明。其有經歷數省。一時未能查明。請補到部。兵部按該員現無事故。先行議准。仍由該省督撫詳查。如有前項情弊。即行叅辦。如部中續經查出。亦即隨時奏明更正。至部中擬補各員。缺照奏補人員。一律辦理。儻督撫不認真詳查。或別經發覺。或部中續經查出。將該員蒙混之處。嚴叅。並將該督撫交吏部照例議處。○又奏准。各項保舉人員。凡奉

旨儘先升用。並遇缺即補。即選者。均歸入儘先班內。

選補。其並無前項字樣者。歸在各班內選補。如  
各班人員。有保舉本班前本班先本班前先選  
用等字樣者。統歸儘先班內。與各項儘先人員。  
按奉

旨先後選用。○四年議定。嗣後如有兩處保案。同日  
奉

旨。案內有同省同班人員。由部籤掣先後序補。○五  
年議定。奏留補用人員。以奏留奉

旨之日。歸班序補。至同案奏留人員。如班次相同仍  
以原保奉

旨先後為序。○七年奏准。二等待衛。保以總兵記名  
簡放者。送部引

見請

旨。因出省分。差遣委用。